

BAHAGIAN 21

PERLINDUNGAN HARTA INTELEK UIS

Perlindungan Harta Intelekt UIS bagi garis panduan ini ditakrifkan sebagai hak-hak terhadap hasil cipta daripada penyelidikan bersumberkan dana geran penyelidikan yang diperolehi sama ada dana dalam dan dana luar.

21.1 Permohonan (bagi semua jenis geran penyelidikan)

21.1.1 Harta Intelekt adalah semua hasil bentuk nyata (tangible) yang terhasil daripada pemikiran manusia tetapi tidak terhad kepada idea, reka cipta, reka bentuk, lakaran, lukisan, kerja penulisan dan muzik. Ia juga termasuk program komputer, reka bentuk susun atur litar bersepadu dan pangkalan data.

21.1.2 Perlindungan Harta Intelekt dikawal di bawah undang-undang Malaysia bagi membolehkan pemilik Harta Intelekt melaksanakan kawalan eksklusif ke atas sebarang eksploitasi terhadap hak pemilikan tersebut.

21.2 Jenis-jenis Harta Intelekt

Harta intelek terdiri daripada:

- a) Paten (*Patent*)
- b) Hak Cipta (*Copyright*)
- c) Cap Dagangan (*Trade Mark*)
- d) Reka Bentuk Perindustrian (*Industrial Design*)

Paten adalah hak eksklusif yang dianugerahkan di bawah Akta Paten 1983 untuk suatu reka cipta baru sama ada ia adalah satu produk atau satu proses. Paten akan dianugerahkan apabila ia menepati ciri-ciri berikut:

- Baru (*Novelty*)
- Melibatkan langkah mereka cipta
- Boleh digunakan dalam mana-mana industri
- Perlindungan paten adalah selama 20 tahun daripada tarikh pemfailan.

a) Hak Cipta (*Copyright*)

Hak cipta adalah hak eksklusif yang diberi oleh undang-undang untuk tempoh masa tertentu kepada pencipta karya untuk mengawal karya mereka dan perlindungan ini adalah berasaskan kepada Akta Hak Cipta 1987.

Sesuatu karya adalah dilindungi secara automatik tanpa sebarang keperluan pendaftaran sebaik sahaja ia memenuhi syarat-syarat berikut:

- Usaha yang mencukupi telah dilakukan untuk menjadikan karya itu bersifat asli
- Karya tersebut telah ditulis, direkod atau dijadikan dalam bentuk bahan
- Penciptanya adalah orang yang berkeelayakan
- Karya tersebut telah dibuat di Malaysia atau penerbitan pertama karya adalah di Malaysia.

b) Cap Dagangan (*Trade Mark*)

Cap Dagangan ditakrifkan dalam Seksyen 3 Akta Cap Dagangan 1976 sebagai cap yang digunakan bagi tujuan menunjukkan hubungan antara barangan/perkhidmatan dengan pemilik/pengguna berdaftar cap dagangan tersebut di dalam urusan perniagaan.

Cap Dagangan boleh terdiri daripada perkataan, logo, gambar, nama, huruf, nombor atau kombinasi daripada unsur-unsur tersebut. Cap Dagangan perlu didaftarkan:

- untuk mendapatkan hak eksklusif ke atas penggunaan cap dagangan tersebut dalam setiap urusan/perjalanan perdagangan; dan
- sijil pendaftaran tersebut akan menjadi bukti kesahan hak milik cap dagangan tersebut.

Setiap pendaftaran adalah sah untuk tempoh sepuluh (10) tahun daripada tarikh pendaftaran dan pembaharuan pendaftaran boleh dibuat setiap sepuluh (10) tahun selagi berminat.

c) Reka Bentuk Perindustrian (*Industrial Design*)

Reka bentuk perindustrian ialah rupa bentuk luaran secara keseluruhan bagi sesuatu produk atau barang. Seksyen 3 Akta Reka Bentuk Perindustrian 1996 mendefinisikannya sebagai ciri bentuk, tatarajah, corak atau hiasan yang digunakan pada sesuatu barang melalui apa-apa proses atau cara perindustrian, iaitu ciri yang ada pada barang siap, merupakan ciri yang menarik dan dinilai dengan pandangan mata.

Reka bentuk perindustrian perlu didaftarkan untuk mendapatkan hak eksklusif ke atasnya dengan syarat ia mestilah baru dan tidak pernah didedahkan kepada pihak awam di mana-mana di Malaysia.

Perlindungan akan diberikan selama lima (5) tahun daripada tarikh pemfailan dan boleh dilanjutkan sehingga tempoh maksimum lima belas (15) tahun.

Reka bentuk susun atur layak dilindungi secara automatik tertakluk kepada syarat-syarat berikut:

- Asli iaitu hasil usaha intelek penciptanya sendiri;
- Telah ditetapkan dalam bentuk material atau digabungkan dalam sesuatu; dan

- Pemegang hak reka bentuk susun atur itu adalah orang yang bertanggungjawab terhadap penghasilan reka bentuk tersebut. Sesuatu reka bentuk susun atur dilindungi bagi tempoh 10 tahun daripada tarikh ia mula dieksploitasi dan berterusan sehingga 15 tahun ia dicipta.

21.3 Tatacara Permohonan Pendaftaran Harta Intelek dan Tuntutan Bayaran

- Pemohon dikehendaki memilih dan melengkapkan borang permohonan pendaftaran harta intelek yang boleh diperolehi dalam talian seperti berikut:
 - (i) Borang Permohonan Paten;
 - (ii) Borang Permohonan Hak Cipta;
 - (iii) Borang Permohonan Cap Dagangan;
 - (iv) Borang Permohonan Reka Bentuk Perindustrian
 (Sila rujuk laman web www.myipo.gov.my/ untuk keterangan lanjut bagi borang-borang yang perlu diisi).
- Pemohon perlu menghantar borang permohonan yang telah lengkap ke pejabat Perbadanan Harta Intelek Malaysia (MyIPO).
- Ketua Penyelidik perlu menghantar salinan borang permohonan pendaftaran berdasarkan jenis perlindungan hasil penyelidikan dan borang tuntutan bayaran (sekiranya ada) ke RIMC.
- Mematuhi Prosedur Operasi Standard (SOP) **Permohonan Pendaftaran Harta Intelek dan Tuntutan Bayaran Permohonan Pendaftaran Harta Intelek**. Sila rujuk carta alir (RIMC/SOP6/GPIU/Pin.1/2025) serta (RIMC/SOP7/GPIU/Pin.1/2025) di lampiran 6 dan 7.